

1869.

31. maí.

brauðunum í Hóla stipti hinu forna hefir verið safnað í sèrstakan sjóð til styrks handa uppgjafaprestum í tæðu stipti, og um uppástungur yðar um, hvernig ætti að verja þessum sjóð eptirleiðis, hafið þér getið þess, að ekki verði fundið, að fengið hafi verið æðra leyfi til að stofna sjóð þenna, sem um lok fyrra árs var 687 rd. 59 sk., en að yður virðist, að heimildin fyrir honum sè fólgin í kringumstæðunum, vegna þess að árgjöldunum af hvoru stiptinu um sig, sem áður voru, var ekki steyppt saman, og að stundum bar við, að enginn fátækur uppgjafaprestur átti heima í Hóla stipti, sem að eins nær yfir 4 sýslur. Þér hafið þar að auki skýrt frá, að sömuleiðis sè til sjóður, sem safnað hefir verið í, til styrks handa fátækum uppgjafaprestum í Skálholts stipti hinu forna, 269 rd. 19 sk. að upphæð, og að vöxtunum af honum sè útbýtt á ári hverju á sýnóðus fundi.

Samkvæmt þeim skilningi á 7. grein í tilskipun 15. desembermán. 1865, sem framvegis á að fylgja fram, hlýtur stjórnarráðinu að virðast samkvæmast aðalreglunni, að báðum þessum sjóðum verði steyppt saman í einn sjóð, og að vöxtunum af honum verði útbýtt á ári hverju á sýnóðus fundi eptir sömu reglum og árgjöldunum af brauðunum, og ef sjóðirnir standa á vöxtum í jarðabókarsjóðnum, þá ætti, að stjórnarráðsins hyggju, heldur að kaupa fyrir þá ríkisskuldabréf með 4 af 100 í leigur, því að það mundi auka árstekjurnar af þeim ekki alllítið. En, áður en lengra er farið útí þetta, eruð þér beðnir, háæruverðugi herra, að veita bæði sýnóðus í sumar og próföstunum í Hóla stipti hinu forna færi á að segja álit sitt um það, og senda síðan hingað öll álitsskjölin ásamt tillögum sjálfs yðar.

54. Bréf kirkju- og kennslustjórnarinnar til stiptyfirvaldanna á Íslandi, um jarðaskipti á kirkjunjörð og bændaeign.

31. maí.

Með bréfi dagsettu 5. aprílmán. þ. á. hafið þér, herra stiptyamtmaður og háæruverðugi herra, sent hingað bænarskjal frá

1869.
31. maí.

Kristjáni bónda Kröyer, leiguliða á Hvanná, eign Hofsteigs brauðs í Norðurmúlasýslu; sækir hann þar um, að fá jörð þessa til eignar í jarðaskiptum fyrir jörðina Stóra-Bakka í Tungusveit í sömu sýslu og 1000 rd. milligjöf, og hafið þér skotið þessu til úrskurðar stjórnarráðsins.

Um þetta skal yður til vitundar gefið yður til leiðbeiningar, og til þess að þér kunngjörðið það, að beiðandanum verður ekki veitt það, sem hann sækir um.

25. júní.

55. Almenn hegningarlög handa Íslandi.

Vér Kristján hinn Níundi o. s. frv. Gjörum kunnugt: Eptir að Vér höfum meðtekið þegnlegt álitsskjal Vors trúa alþingis um frumvarp, sem fyrir það hefir verið lagt, til almennra hegningarlaga handa Íslandi, bjóðum Vér og skipum fyrir á þessa leið:

Fyrsti kapítuli.

Ákvarðanir til inngangs.

1. grein.

Eigi skal hegna neinum manni eptir lögum þessum, utan hann hafi orðið brotlegur í einhverju því, sem hegning er lögð við í lögnum, eða er öldungis samkynja einhverju því verki, sem þar er afbrot talið.

2. grein.

Lögin eiga við um öll þau afbrot, sem framin eru á Íslandi, án þess tillit sè haft til þess, hvar sá á heima, sem valdur er að verkinu.

3. grein.

Einnig skal refsað eptir lögum þessum fyrir afbrot, sem drýgð eru á skipum, er eiga heima á Íslandi, nema því að eins að skipið sè þar á sjó, sem hegningarlög einhvers annars lands ná til.